

Na osnovu člana 15. Zakona o budžetima u Federaciji Bosne i Hercegovine („Službene novine Federacije Bosne i Hercegovine“ , broj: 102/13, 9/14, 13/14, 8/15, 91/15,102/15,104/16) i člana 7. Statutarne odluke o organizaciji Grada Tuzle u skladu sa Zakonom o gradu Tuzla („Službeni glasnik Grada Tuzla“, broj: 1/14, 3/15, 7/15, 12/15), Gradonačelnik Grada Tuzla, d o n o s i

BUDŽETSKI KALENDAR GRADA TUZLA za 2017. godinu

Član 1.

Budžetski kalendar (u daljem tekstu: kalendar) predstavlja aktivnosti vezane za postupak pripreme, donošenja i realizaciju budžeta.

Član 2.

Kalendar je obavezujući dokument za sve budžetske korisnike uključujući gradske organe uprave, stručne službe Grada Tuzla, Gradsko pravobranilaštvo i upravnu organizaciju, te javne ustanove koje su prešle na trezorski način poslovanja: JU Obdanište „Naše dijete“ Tuzla, JU Centar za socijalni rad grada Tuzla, JU Dom mladih Tuzla i JU Gradski stadion „Tušanj“.

Kalendar iz stava 1. ovog člana je obavezujući i za nevladin sektor (udruženja građana u oblasti sporta, kulture kao i drugih društvenih djelatnosti), građane i predstavnike mjesnih zajednica (savjeti MZ-a), vijećnike i Klubove vijećnika političkih stranaka koji participiraju u Gradskom vijeću Tuzla, te druge javne ustanove i javna preduzeća koji su povremeni ili stalni korisnici budžetskih sredstava.

Član 3.

Kalendarom se utvrđuje raspored aktivnosti u skladu sa Zakonom i uspostavljenim procedurama.

Kalendar ne uključuje aktivnosti Grada Tuzla prema višim nivoima vlasti.

Član 4.

Budžetski kalendar Grada Tuzla za 2017. godinu je slijedeći:

PERIOD	AKTIVNOST	PODAKTIVNOST	NOSILAC	ROK
svaki mjesec	Implementacija budžeta	Transferi sredstava budžetskim korisnicima vrše se po mjesečnim operativnim planovima, te u skladu sa Odlukom o izvršavanju budžeta	SBF	Stalna aktivnost

svaki mjesec	Izveštavanje	Korisnici budžetskih sredstava dostavljaju izvještaje o utrošku sredstava po usaglašenom rasporedu izveštavanja (preduslov za slijedeći transfer)	SERDD, SBIZ	Stalna aktivnost
februar		Služba za budžet i finansije dostavlja budžetskim korisnicima budžetske instrukcije broj 1 o načinu i elementima izrade DOB-a	SBF	do 15.02.2017.
mart		Javni poziv za dodjelu Nagrade Grada Tuzla za ostvaren nadprosječan uspjeh	SERDD	do 31.03.2017.
april		Budžetski korisnici na osnovu instrukcija dostavljaju u Službu za budžet i finansije prijedloge za izradu DOB-a	SBF	do 15.04.2017.
april	Izveštavanje	Izvještaj o izvršenju budžeta Grada Tuzla za 2016. godinu	SBF	do 30.04.2017.
april		Javni poziv za predlaganje projekata iz oblasti razvoja primarne poljoprivredne proizvodnje na području grada Tuzla za 2017. godinu	SERDD	do 30.04.2017.
april		Javni poziv za predlaganje programa i projekata iz oblasti poduzetništva na području grada Tuzla za 2017. godinu	SERDD	do 30.04.2017.
april		Javni poziv za sufinansiranje programskih / projektnih aktivnosti udruženja, organizacija i fondacija iz oblasti društvenih djelatnosti	SRPDD	do 30.04.2017.
april		Javni poziv za sufinansiranje programskih / projektnih aktivnosti udruženja, organizacija i fondacija iz oblasti sporta	SRPDD	do 30.04.2017.
april		Javni poziv za nacionalne manjine	SRPDD	do 30.04.2017.
april	Izveštavanje	Izvještaj o izvršenju budžeta Grada Tuzla za period 1.1.-31.3.2017. godine	SBF	do 30.04.2017.
maj		Javni poziv za sufinansiranje programa kulturnih manifestacija javnih ustanova, javnih preduzeća, udruženja i fondacija u okviru manifestacije "Ljeto u Tuzli"	SRPDD	do 31.05.2017.
maj		Javni poziv za sufinansiranje usluga medija na području grada Tuzla u 2017. godini	SRPDD	do 31.05.2017.
maj		Javni poziv za dodjelu finansijskih sredstava na ime podrške projektima za mlade	SRPDD	do 31.05.2017.
juni		Služba za budžet i finansije priprema DOB i dostavlja Gradonačelniku	SBF	do

				15.06.2017.
juni		Gradonačelnik usvaja DOB	G	do 30.06.2017.
juni		Program kapitalnih investicija Grada Tuzla za period od 2018. do 2022. godine	GAP	do 30.06.2017.
juli		Služba za budžet i finansije objavljuje DOB na web stranici Grada Tuzla	SBF	do 15.07.2017.
juli		Služba za budžet i finansije dostavlja budžetskim korisnicima budžetsku instrukciju broj 2 – početna budžetska ograničenja i smjernice za izradu zahtjeva budžetskih korisnika	SBF	do 15.07.2017.
juli	Izvještavanje	Izvještaj o izvršenju budžeta Grada Tuzla za period 1.1.-30.6.2017. godine	SBF	do 31.07.2017.
avgust		Budžetski korisnici dostavljaju Službi za budžet i finansije budžetske zahtjeve za narednu budžetsku godinu	SBF	do 15.08.2017.
avgust		SBF razmatra procjene prihoda i zahtjeve za odobrenje rashoda budžetskih korisnika, te nakon usaglašavanja sa svim budžetskim korisnicima, u skladu sa raspoloživim sredstvima, predlaže visinu sredstava za svakog budžetskog korisnika	SBF	do 30.08.2017.
septembar		Konsultacije Službe za budžet i finansije i budžetskih korisnika u vezi sa zahtjevima budžetskih korisnika i prioriteta budžetske potrošnje	SBF i Budžetski korisnici	do 15.09.2017.
oktobar		Služba za budžet i finansije dostavlja Gradonačelniku nacrt budžeta za narednu fiskalnu godinu	SBF	do 10.10.2017.
oktobar		Gradonačelnik utvrđuje nacrt budžeta	G	do 15.10.2017.
oktobar		Služba za budžet i finansije pribavlja mišljenje o nacrtu Budžeta, od strane Ministarstva finansija TK, u skladu sa čl. 33. Zakona o budžetima u FBiH	SBF	do 20.10.2017.
oktobar	Izvještavanje	SBF dostavlja Gradonačelniku Izvještaj o izvršenju budžeta za prvih 9 mjeseci 2017. godine	SBF	do 30.10.2017.

novembar		Gradonačelnik dostavlja nacrt budžeta i prateću dokumentaciju Gradskom vijeću	G, SBF	do 05.11.2017.
novembar		Gradonačelnik donosi Odluku o provođenju javne rasprave o nacrtu Budžetu Grada Tuzla za 2018. godinu	G	do 05.11.2017.
decembar		Gradonačelnik utvrđuje prijedlog budžeta	G	do 15.12.2017.
decembar		Služba za budžet i finansije pribavlja mišljenje o prijedlogu Budžeta, od strane Ministarstva finansija TK, u skladu sa čl. 33. Zakona o budžetima u FBiH	SBF	do 15.12.2017.
decembar		Gradsko vijeće donosi Budžet Grada Tuzla za narednu fiskalnu godinu	GVT	do 31.12.2017.
decembar		Imenuju se centralna i pojedinačne popisne komisije za popis imovine, obaveza i potraživanja	G, SBF	do 31.12.2017.

Navedeni rokovi predstavljaju krajnje rokove u budžetskom kalendaru.

Legenda: GVT – Gradsko vijeće Tuzla,

G – Gradonačelnik,

SBF – Služba za budžet i finansije,

SERDD – Služba za ekonomski razvoj i društvene djelatnosti,

SBIZ – Služba za boračko – invalidsku zaštitu, stambene poslove i integraciju raseljenih lica,

GAP – Koordinacijska radna grupa za izdaru i donošenje propisa o pretpostavkama, načelima i načinu izrade Programa kapitalnih investicija grada Tuzla

Član 5.

Ukoliko se ukaže potreba za provođenjem i drugih aktivnosti u toku 2017. godine, iste će se uvrstiti u kalendar.

Svi budžetski korisnici i ostali korisnici budžeta Grada Tuzla (sportska udruženja, nevladine organizacije, kulturno – umjetnička društva...) su dužni poštovati vremenske rokove i aktivnosti utvrđene kalendarom.

Član 6.

Budžetski kalendar se odnosi na 2017. godinu, a isti će se objavit na internet stranici Grada Tuzla www.tuzla.ba.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADONAČELNIK
Broj: 02-14- 1792 /2017
Tuzla, 15.02.2017. godine

GRADONAČELNIK

Jasmin Imamović, dipl. pravnik